



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-5036/18
Sarajevo, 04.10.2018. godine

Na osnovu člana 21. stav (3). tačka c). Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 111. stav 1. tačka d. Zakona o javnim nabavkama („Službeni glasnik Bosne i Hercegovine”, broj 39/14) – u daljem tekstu: ZJN, rješenja Ureda za razmatranje žalbi broj JN2-03-07-1-1150-8/18 od 20.09.2018. godine i preporuke Komisije za javne nabavke Ministarstva unutrašnjih poslova kantona Sarajevo za 2018. godinu, imenovane rješenjem br 01/5-1-14-4-2073 od 12.03.2018. godine u postupku provođenja tenderske procedure za nabavku informatičke opreme za potrebe Ministarstva unutrašnjih poslova Kantona Sarajevo, putem otvorenog postupka, ministar unutrašnjih poslova Kantona Sarajevo,

d o n o s i:

O D L U K U

o poništenju postupka za nabavku informatičke opreme za potrebe Ministarstva unutrašnjih poslova Kantona Sarajevo

I

Poništava se postupak javne nabavke informatičke opreme za potrebe Ministarstva unutrašnjih poslova Kantona Sarajevo u cilju izvršenja naloga Ureda za razmatranje žalbi datog konačnim i izvršnim rješenjem broj JN2-03-07-1-1150-8/18 od 20.09.2018. godine a koji se odnosi na poništenje tenderske dokumentacije i obavještenja o nabavci broj 1364-1-1-32-3-27/18 od 26.07.2018. godine.

II

Zadužuje se komisija da u što kraćem roku, ponovi postupak javne nabavke uz obavezu primjene naloga Ureda za razmatranje žalbi datog u rješenju broj JN2-03-07-1-1150-8/18 od 20.09.2018. godine.

III

Ova Odluka stupa na snagu danom donošenja.

O b r a z l o ž e n j e

Dana 09.07.2018. godine od strane ovog Ministarstva donesena je odluka broj 01/14-4-5036 kojom je pokrenut postupak javne nabavke uz primjenu E-aukcije za "Nabavku informatičke opreme za potrebe Ministarstva unutrašnjih poslova Kantona Sarajevo". Povodom navedene Odluke sačinjena je Tenderska dokumentacija i objavljeno Obavještenje o nabavci broj 1364-1-1-32-3-27/18 od 26.07.2018. godine na portalu javnih nabavki. Tenderska dokumentacija je obezbjeđena za preuzimanje potpuno besplatno, te su istu u periodu od 26.07.2018. godine do 01.08.2018. godine preuzela ukupno 33 potencijalna ponuđača. Prema Tenderskoj dokumentaciji i Obavještenju o nabavci datum i vrijeme otvaranja ponuda predviđeno je za 30.08.2018. godine u 12:00 sati.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



U navedenom postupku podnesene su dvije žalbe i to:

1. Žalba ponuđača D&D montaža d.o.o. Brčko zastupani po advokatu Draženu Nikoliću iz Bijeljine a koja je izjavljena po 4 osnova i sadržajno postavljena na 6 stranica uz iskazane troškove od 1316,25 KM a koji su nakon dostavljenog izjašnjenja sadržajno sačinjenog na 8 stranica, odustali od uplate takse za žalbu Uredu za razmatranje žalbi te je u skladu sa navedenim postupanje po žalbi i okončano i
2. Žalba ponuđača Facit d.o.o. Sarajevo zastupani po advokatu Sanelu Neziriću iz Sarajeva a koja je izjavljena po 2 osnova i sadržajno postavljena na 3 stranice uz iskazane troškove od 1006,20 KM a po osnovu koje je žalba uvažena po jednom osnovu, nakon dostavljenog izjašnjenja sadržajno sačinjenog na 4 stranice.

Žalbeni osnovi u drugoj žalbi su:

Žalba na zahtjevane garancijske uslove tj. minimalno 24 mjeseca garancije od proizvođača do isporuke i

Žalba na odredbe tenderske dokumentacije kojima se ovo Ministarstvo ograđuje od troškova sastavljanja ponuda koji mogu biti iskazani u odštetnim zahtjevima ponuđača (svi troškovi postupka javne nabavke i eventualni troškovi konsultanata i advokata u postupku javne nabavke).

Rješenjem Ureda za razmatranje žalbi broj JN2-03-07-1-1150-8/18 od 20.09.2018. godine prvi žalbeni osnov je odbačen kao neosnovan, dok je drugi žalbeni osnov od strane Ureda za razmatranje žalbi prihvaćen i odnosi se na dio teksta u tenderskoj dokumentaciji koji glasi:

„c) svjesni smo da učešće u postupku javne nabavke proizvodi troškove, te se obavezujemo da ćemo snositi sve troškove postupka javne nabavke i eventualne troškove konsultanata i advokata u postupku javne nabavke, te da nećemo teretiti ugovorni organ za naknadu troškova nastalih učešćem u postupku javne nabavke u slučaju da ne budemo oglašeni kao najpovoljniji ponuđač.“

U vezi sa navedenim komisija je na sastanku održanom 04.10.2018. godine usaglasila stav i jednoglasno predložila ministru unutrašnjih poslova Kantona Sarajevo da se poništi postupak javne nabavke, izmjeni tenderska dokumentacija u pogledu naloga datog rješenjem Ureda za razmatranje žalbi broj JN2-03-07-1-1150-8/18 od 20.09.2018. godine na način brisanja spornog teksta, i u što je kraćem mogućem roku ponovi postupak javne nabavke.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema Obavjesti, a u skladu sa članom 101. Zakona o javnim nabavkama.



MINISTAR
Oran Mulabdić

DOSTAVITI:

1. Sekretaru MUP KS;
2. Uprava podrške;
3. Komisiji za nabavke;
4. Odjeljenje za odnose sa javnošću;
5. Ponuđačima posredstvom e-maila x 1;
6. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

